

Tilnefnd til dönsku tónlistarverðlaunanna

„Þetta er ótrúlega skemmtilegt og mikil viðurkenning,“ segir Anna María Björnsdóttir, meðlimur norrænu spunahljómsveitarinnar IKI sem tilnefnd er til dönsku tónlistarverðlaunanna í flokki danskra djassraddlistamanna. Verðlaunin verða afhent í Kaupmannahöfn á laugardaginn við hátíðlega athöfn.

IKI samanstendur af níu söngkonum frá fjórum norrænu landanna. Þær hafa hlotið mikla athygli fyrir nýstárlega nálgun sína á tónlistarsköpun og fengið lofsamlega dóma fyrir fyrstu plötu sína, sem kom út í júní. „Það eru engar reglur, það er aldrei neitt fyrir fram ákveðið þegar við byrjum að syngja. Allt verður til á staðnum og við vitum aldrei hvernig lögin verða. Það gerir þetta mjög spenn-

andi og skemmtilegt.“

„Hljómsveitin var stofnuð fyrir tveimur árum hérna í Kaupmannahöfn. Þá vorum við allar í námi og höfðum sömu þrá eftir að gera eitthvað öðruvísi og prófa eitthvað nýtt með röddunum. Fljótlega varð til hljómsveit sem vildi halda áfram með þetta. Við spinnum alltaf af alla tónlist. Platan varð til þannig, við vorum þrjá daga í hljóðveri og tókum upp sjö klukkustundir af tónlist. Svo völdum við tólf lög sem voru í uppáhaldi hjá okkur.“

Gestirnir sem mættu á útgáfutónleika hljómsveitarinnar hafa ef til vill orðið hissa þegar stúlkurnar fluttu ekki eitt einasta lag af plötunni sjálfri. „Við sungum heila tónleika en lögin af plötunni

voru ekkert flutt, við flytjum hvert lag náttúrulega bara einu sinni. Svo var platan bara spiluð eftir tónleikana.“

Anna segir lögin verða misgóð, enda þurfi að vera rými fyrir mistök í spuna-tónlist. „Það er bara þannig sem þessi tónlist virkar að hún er eins og hún er í dag og verður öðruvísi á morgun, hún breytist sífellt. Við erum með eitt leyninglag á plötunni sem sýnir að við höfum hómur fyrir því þegar við gerum eitthvað sem tekst ekki alveg – við verðum að hafa það.“

- bb

TILNEFND TIL VERÐLAUNA Anna María Björnsdóttir hefur í nógu að snúast og hyggst taka upp plötu á Íslandi í byrjun næsta árs.



→ Fundir

13.30 Félagar í bókmenntaklúbbi Félags kennara á eftirlaunum funda í Kennarahúsinu.

→ Sýningar

12.00 Fimmti og síðasti hluti sýningaráðar Leifs Þorsteinssonar verður opnaður á Ljósmyndasafni Reykjavíkur í dag. Í þessum hluta er sjónum beint að mannlífsmýndum sem teknar voru í Evrópu á árunum 1958-1980. Myndirnar tók Leifur á námsárum sínum í Kaupmannahöfn og á ferðalögum um Evrópu. Sýningarstjóri er Guðmundur Ingólfsson ljósmyndari.

15.00 Sýningin Handverk og hönnun verður opnuð í Ráðhúsi Reykjavíkur. Sýningin stendur til mánudags, en þetta er í sjötta sinn sem hún er haldin. Í dag verða Skúlaverðlaunin 2011 veitt. Nánar á handverkoghonnun.is.

→ Hátíðir

17.00 Hinir árlegu Dagar myrkurs hefjast á Austurlandi í dag. Friðarljós verða tendruð um Fjarðabyggð klukkan 17 og síðan verða fjölbreyttir viðburðir um allt Austurland, til dæmis rökur-ratleikur, tónleikar með Mugison, kvöldgöngur og kertafleytingar, graskersútskurður og hryllingsbíó, sögustundir og markaðir og ótal listasýningar. Næstu tíu dagana rekur svo hver viðburðurinn annan í hverju bæjarfélagi og ættu háir sem lágr að finna eitthvað við sitt hæfi í dagskránni. Ítarlega dagskrá Daga myrkurs má finna á vefnum East.is.

→ Kvikmyndir

17.00 Konfúsíusarstofnunin Norðurljós sýnir heimildarmyndina Grænmetisgarður heimsins í stofu 101 í Odda í Háskóla Íslands. Allir velkomnir og aðgangur ókeypis. Sýningartími er 52 mínútur.

→ Uppákomur



20.00 Vinkonur hinnar 36 ára Evu, sem berst við erfiðan sjúkdóm í höfði, halda styrktarkvöld fyrir hana á Faktory. Að sögn aðstandenda er sjúkdómur Evu ólæknandi en honum sé haldið í skefjum með lyfjum. Markmið



kvöldsins sé að safna fé til að aðstoða hana við greiðslu lyfjakostnaðar. Fram koma grínistarnir Ari Eldjárn, Þórhallur Þórhallsson og Óskar P, tónlistarmennirnir Böddi úr Dalton, Hlynur Ben og **Haffi Haff** sem verður plötusnúður kvöldsins. 20 ára aldurstakmark er inn og miðaverð er 1.500 krónur en einnig er tekið á móti frjálsum framlögum.

→ Tónlist



21.00 Rokksveitin **Reykjavík!** treður upp á Kreppekúldi á Bar 11. Aðgangur er ókeypis og veigar eru á vinalegu verði. Orri á X-inu spilar tónlist fyrir og eftir tónleikana.

Upplýsingar um viðburði sendist á hvar@frettabladid.is.



Íslenska landsliðið gegn Úrvalsliði HSÍ

Viltu vinna miða á leikinn?

Taktu þátt í leik á arionbanki.is og þú gætir unnið miða fyrir tvo!

Mætum í Laugardalshöllina á föstudaginn kl. 20:00 og keyrum upp íslenska handbolta-stemningu eins og hún gerist best.



Arion banki er aðalbachjarl HSÍ

arionbanki.is — 444 7000

